



Inatsisartunut ilaasortaq, Karl Lyberth
Inatsisartut
/maani

**Royal Greenland A/S-imi aningaasaliissutitut tunngasunut apeq-
qummut § 37 nr. 215-imut akissut**

14. nov. 2011
Sullapnr.2011-057744
All.Upp.Nr. 759246

Inatsisartut suleriaasianni § 37 imm. 1 naapertorlugu apeqquteqaatit nr. 2011 - 215 tiguneqarsimasoq ulloq 3. november 2011 matumuuna akis-
suteqarfigissavara.

Postboks 1015
3900 Nuuk
Oqa. (+299) 34 50 00
Oqa. (+299) 32 50 02
E-mail: govsec@nanoq.gl
www.nanoq.gl

Makkuninnga apeqquteqarsimavutit:

**2009-mi aasaanerani Royal Greenland-imut aningaasaliissutitut katil-
lugit 500 mio. kr. annertutigisut Royal Greenland-ip immikkoortuinut
selskab-inut assigiinngitsunut sorlernut agguanneqarpat?**

Akissut:

Naalakkersuisut qinnuteqaataat naapertorlugu Royal Greenland A/S-ip 250 mio. kr-inik aningaasaliissuteqarfigineqassasoq ingerlatsivillu 250 mio. kr-inik aningaasaliissutitut akisussaaffiusumik taarsigassarsitineqassasoq Aningaasaqarnermut Ataatsimiititaliap aalajangerpa. Tassungalalu atatillugu suliamut nr. 01.31.06/09-00418-mut innersuussisoqassaaq.

Aalajangiinermut tunngaviuvoq, ingerlatsivik ukiut ingerlanerini pissutsit assigiinngitsut peqqutigalugit aningaasaqarniarnikkut ajortumik ingerlaleraluarsimammat. Ingerlatsiviup akiitsuisa taamanikkut ajortorujussuarnik inissisimaneq tikikkaluarsimavaat, taamaasillunilu ingerlatsiviup ingerlaannarsinnaanera aarlerinartorsiortinneqalerualuni.

Taamaattumik aningaasaliissutitut taarsigassarsiallu aallaavittut ingerlatsiviup akiitsuinik annikillisaanermut atornerqarput taamaasilluni aningaasaqarnikkut aningaasartuutit isertitat qaangeqqajunnaarpat.

Ullumikkut Royal Greenland-i ingerlalluarpoq. Ingerlatsiviup ulloq 30. september 2011 Namminersorlutik Oqartussanut 50 mio. kr-it akilersuutit siullit utertillugit akilerpai. 250 mio kr-inut akilersuutit erniat ilanngullugit utertillugit akilersorneri ingerlassapput 2015 –llu naanerani akilereersimassallutik. Peqatigisaanik ingerlatsiviup ukioq manna ajunngitsumik angusaqarnissartik naatsorsuutigaat, akiitsuunik annertuumik annikillisaqa-taasussamik, tamannalu Naalakkersuisut nuannaarutigingaarpat.

Inussiarnersumik inuulluaqqusillunga

K. Kleist
Kuupik Kleist



SIUMUT INATSISARTUNI ILAASORTAAQ / LANDSTINGSMEDLEM

1. november 2011

Inatsisartut suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqut:

2009-mi aasaanerani Royal Greenland-imut aningaasaliissutit katillugit 500 mio. kr. anner-tutigisut Royal Greenland-ip immikkoortuinut selskab-inut assigiinngitsunut sorlernut ag-guaanneqarpat?

(Inatsisartuni ilaasortaq, Karl Lyberth Siumut)

Tunnqavilersuut:

Royal Greenland-ip ajornartoorluinnarnera pissutigalugu 2009-mi Inatsisartuni akuersissutigine-qarpoq Royal Greenland aningaasanik katillugit 500 mio. kr.-nik aningaasaliiffigineqassasoq. 250 mio. kr. suliffeqarfimmut aningaasaliissutit, 250 mio. kr.-nillu taarsersugassatut.

Aningaasaleereernermit ukiut marluk sinnerlugit qaangiutereernerata kingorna aningaasaliissutit pineqartut Royal Greenland-ip immikkoortortaqaarfiinut selskab-inut sorlernut agguataarneqarsi-manersut paasinarseriissammat paaserusunnarpoq aningaasarpassuit taakkua sumut atorneqarsi-manersut.